



Upravni odbor Vijeća za implementaciju mira: institucije BiH moraju poštovati međunarodno pravo

Ambasadori Upravnog odbora Vijeća za implementaciju mira danas su izrazili ozbiljnu zabrinutost zbog nedavne odluke Vijeća ministara BiH da uspostavi domaći mehanizam za reviziju, kako bi bilo riješeno pitanje policajaca koji nisu dobili certifikate od strane Međunarodnih policijskih snaga (IPTF-a). Nekoliko ambasadora je smatralo da bi takav mehanizam predstavljao kršenje rezolucija Vijeća sigurnosti UN-a i Aneksa 11 Daytonskog mirovnog sporazuma.

Viši zamjenik visokog predstavnika u OHR-u, Peter Bas-Backer, informirao je danas ambasadore o mjerama koje je do sada poduzeo OHR, kao i o razgovorima koje je imao sa komesarom za ljudska prava Vijeća Evrope, Thomasom Hammarbergom.

Visoki predstavnik Christian Schwarz-Schilling od početka svog mandata gleda na ovo pitanje gleda na pitanje koje zahtijeva hitno poduzimanje mjera. Osoblje OHR-a, zajedno sa partnerima iz međunarodne zajednice i institucijama BiH, radi kako bi se iznašlo rješenje.

Istovremeno, visoki predstavnik je dužan da podržava Daytonski mirovni sporazum i međunarodno pravo. Iz tog razloga, pozvao je Vijeće ministara da u potpunosti ispoštuje svoje obaveze u skladu sa međunarodnim pravom.

U slučaju da odluka Vijeća ministara bude provedena, visoki predstavnik ne bi imao drugog izbora nego da razmotri daljnje mjere.

Visoki predstavnik je zatražio od Vijeća ministara da hitno stupi u kontakt sa Vijećem sigurnosti UN-a i Sekretarijatom UN-a. Visoki predstavnik i dalje ostaje spreman da doprinese iznalaženju rješenja te se nada da i Vijeće Evrope može pomoći u ovom pogledu.